





石屏詩集卷第七

絕句

臘梅二首

天寒好風日清香透窓紗誰知早脾底有此返魂花

籬菊抱香死化入歲寒枝依然色尚黃雪中開更奇

汀州道上

宇內何牢落客行雙鬢華千山萬山底老眼付梅

石屏詩集卷第七

石屏詩集

石屏詩集

花

題周仁甫占香堂二首

一登君子堂滿日是秋光桂是月中桂花非今日  
香

秋風動窓戶兼聞書傳香種花兼種德當有折桂  
郎

寄興代作

長願如人意一生無別離妾當年少日花似半開  
時

黃金無足色白璧有微瑕求人不求備妾願老君  
家

贈萬杉老秀癡翁二首

識得慶雲和尚不癡自號癡翁此老端如五老高  
出廬阜諸峯

讀儒書五千卷通禪門八萬條宴坐萬杉林下四  
旁風雨蕭蕭

江村晚眺二首

數點歸鴉過別村隔灘漁笛遠相聞菰蒲斷岸潮



痕濕日落空江生白雲

江頭落日照平沙潮退漁舸閣岸斜白鳥一雙臨  
水立見人驚起入蘆花

見山居可喜

一溪盤曲到堦除四面青山畫不如脩竹罩門梅  
夾路詩人居處野人居

初夏

紅紫光陰不久長一聲啼鳩靜年芳陰陰綠樹黃  
鸚語將與人間作夏涼

桂

金谷園林知幾家競栽桃李作春華無人得似天  
工巧明月中間種桂花

江陰浮遠堂

橫岡下瞰大江流浮遠堂前萬里愁最苦無山遮  
望眼淮南極目盡神州

淮村兵後

小桃無主自開花烟草茫茫帶曉鴉幾處敗垣圍  
故井鄉來一一是人家



盱眙北望

北望茫茫渺渺間  
鳥飛不盡又飛還  
難禁滿目中  
原淚莫上都梁第一山

訪友人家即事

爛茅遮屋竹爲床  
口誦時文鬢已霜  
妻病無錢供  
藥物自尋野草試單方

晚春

池塘渴雨蛙聲少  
庭院無人燕語長  
午枕不成春  
草夢落花風靜煮茶香

揚州端午呈趙帥

榴花角黍鬪時新  
今日誰家不酒樽  
堪笑江湖阻  
風客却隨蒿艾上朱門

次韻郭子秀曉行

脫葉園林帶曉鴉  
馬蹄步步踏霜華  
山邊水際頻  
凝顧怕有寒梅昨夜花

山村

山崦誰家綠樹中  
短牆半露石榴紅  
蕭然門巷無  
人到一兩孫隨白髮翁

萬竹稍頭雲氣生西風吹雨又吹晴題詩未了下  
山去一路吟聲雜水聲

題吳熙仲雲萍錄

家在蓬萊海上居出身履歷一時無姓名羞上雲  
萍錄本是烟波一釣徒

湘中遇翁靈舒

天台山與鴈山鄰只隔中間一片雲一片雲邊不  
相識三千里外却逢君

客中秋晚

榴花纔放客辭家客裏因循見菊花獨坐西樓對  
風雨天寒猶自著輕紗

都中冬日

脫却羈裘付酒家忍寒圖得醉京華一冬天氣如  
春暖昨日街頭賣杏花

寒作貧

湖上

湖上團團三十里若非楊柳即樓臺城門未鎖黃  
昏月更住旗亭把一杯

冬至



時光流轉尋常事世故驚心感慨多一歲休祥在  
雲氣今朝雲氣果如何

釣臺

萬事無心一釣竿三公不換此江山平生誤識劉  
文叔惹起虛名滿世間

端午豐宅之提舉送酒

海榴花上雨蕭蕭自切菖蒲泛濁醪今日獨醒無  
用處為公痛飲讀離騷

同蘄州上官節推登光州增勝樓

增勝樓中共倚欄平原渺渺接青山夕陽明處入  
烟少胡馬曾來闖五關

次韻梅花

百花看遍莫如梅更向群芳缺際開寒冷怕行門  
外路為渠踏雪過山來

酴醿

東風滿架索春饒三月梁園雪未消賸馥何人炷  
蘭麝柔枝無力帶瓊瑤

次韻盧申之正字野興



芋圃蔬畦接井湄茅簷四面僅籬園門前盡日無人過牛渡橫塘野鴨飛

題黃州謝深道國正山庵

就荒山竹重抽笋新種池荷晚生看花意象全然似村落又添茅屋兩三家

題鄭子壽野趣

菜花園圃槿花籬麥滿前坡水滿池野老橫竿攔鴨過牧兒携笛倚牛吹

山中見梅

踏破溪邊一徑苔好山好竹少人來有梅花處惜無酒三嗅清香當一杯

湘西寺觀瀾軒

東岸樓臺西岸山瀟湘片在中間紅塵不到滄波上僧與白雲相共閑

道鄉臺

萬里南遷直諫臣世間無地可容身夜衝風雨過湘水賴有青山作主人

定王臺

長沙米換長安土，樂此崔嵬寄遠觀。客子登臺千載後，倚欄亦欲望長安。

陶侃栢

四絕堂前栢樹，晉人栽植。宋人吟無枝無葉，無吟處聊寓一時懷古心。

東池

戴叔倫隱居之地

來尋吾祖隱居處，嬾嬾春風吹酒旗。手把梅花寄愁絕，東池只是舊東池。

寧鄉道上遇張伯聲

山禽調舌待春晴，江雨收聲開曉晴。偶遇故人同杖屨，梅花樹下一詩成。

初夏游張園

乳鴨池塘水淺深，熟梅天氣半陰晴。東園載酒西園醉，摘盡枇杷一樹金。

鄂渚解纜

日日言歸不得歸，今朝真箇是歸期。西樓烟水南樓月，別後何人更有詩。

別許季如



父不相逢喜合簪相從未父又分襟扁舟自逐便  
風去却恨無情江水深

船過桐江懷郭聖與

只言君在桐江住及到桐江不見君日暮空山獨  
惆悵不知又隔幾重雲

買歸舟篙子請占牌戲成口號

詐稱官職不如休白板無題又可羞只寫江湖散  
人號不然書作醉鄉侯

書事

打鼓行船未有期恰如江上阻風時詩中一段閑  
公事幸不妨人喫荔枝

綠陰亭自唐時有之到今五百年盧肇二三  
公題詩之後吟聲寂寂久矣亭前古木不存  
綠陰之名殆成虛設今詩人李賈友山作尉于此  
實居此亭公事之暇與江山風景應接境因  
人勝見於吟筆多矣友人石屏戴復古訪之  
相與周旋于亭上題四絕句以記曾來

五百年前作此亭亭前古木綠陰清而今古木無



存者賴有新亭繫舊名

慘慘秋風吹客襟唐人遺跡宋人吟浮雲世事多  
遷變不獨此亭無綠陰

遠山橫碧一溪清白鳥飛邊落照明吏散庭堦一

無事綠陰亭上又詩成

遠一作千

政是國家多事秋渝川縣尉亦風流吟詩不廢公  
家事坐使孟郊輸一籌

次韻谷口鄭東子見寄

閉門覓句飯牛翁囊有新詩不怕窮十里梅花生

眼底九峯山色滿胸中

不管家居四壁空琢成佳句有神工謫仙會有金  
鑿召莫道詩人命不通

相看俱作白頭翁出處規模自不同我走江湖作  
狂夢君能面壁誅成功

一生飄泊客途中扶杖從人類百工白首歸來入  
詩社猶思渭北與江東

吾鄉自昔詩人少委羽先生後有翁坐客無擅君  
莫笑雲臺有集繼家風

鄭谷有雲臺集

自笑詩人多好酒君能不飲任樽空勸君莫倚醒  
醒眼却笑傍人醉面紅

寄後村劉潛夫

朝廷不召李功甫翰苑不着劉潛夫天下文章無  
用處奎星夜夜照江湖

擁節持麾澤在民仰看臺閣笑無人劉蕢一策傳  
千古何假君王賜出身

客游仙里見君時擁絮庵中共說詩別後故人知  
我否年幾八十病支離

中秋李漕水壺燕集

把酒水壺接勝游今年喜不負中秋故人心似中  
秋月肯爲狂夫照白頭

登樓絕句和者甚多又從而用韻擇其可錄  
者錄之

勞生百計不如閑合把人間比夢間天與老夫供  
享用一樓風月兩屏山有前屏後屏

心地清涼日日秋怕沾塵土莫低頭置身不在衆  
人下處處皆成百尺樓



小樓題了又還題一段風流在水西白鳥飛來知  
鄉背青山元自有高低

富貴於人造物慳出門又覺世途艱樓頭適意三  
杯酒禾末清風雨後山

寄上趙南仲樞密

貴爲公相不如歸一夕飄然去不知樂在五湖風  
月底扁舟載酒對西施

能爲明哲保身謀富貴功名總罷休早向急流中  
勇退歸來閑伴赤松游

初夏

等閒過了一年春雨後風光夏景新試把櫻桃薦  
杯酒欲將芍藥贈何人

覓芍藥代簡豈潛

照映亭池芍藥春紅紅白白鬪精神與其雨打風  
吹去爭似慇懃折贈人

趙葦江與東嘉詩社諸君游一日携吟卷見  
過一語謝其來

白首無聊老病軀一心唯覓死頭顱時人誤作梅



花看今日枝頭雪也無

得早梅一枝携訪酒家

旗亭沽酒少裴回左手梅花右手杯眼見枝頭開  
數盞春風自我掌中來

巾子山翠微閣

雙峯直上與天參僧共白雲棲一庵今古詩人吟  
不盡好山無數在江南

贈饒叔虎談易論命多奇中

中年多病早衰翁詩不能工枉受窮郊島五行君

識否要知我命與渠同

招山乃詩人劉叔擬故居朱清之得其地清  
之赴南宮中道而返就招山下築不久亦去  
世

半路袖回攀桂手一生才遂買山心要知此老風  
流處來向劉郎吟處吟

有錢可買滄浪景無術能還夢幻身一段江山寄  
愁絕百年不見兩詩人

湖南漕李革夫被召乃丐歸

浪說歸朝歸豫章新居萬柳百花傍何如表奏明  
先殿乞取東湖作醉鄉  
軒冕難遮兩鬢華官居雖好不如家一心懶上朝  
天馬要趁春風歸種花

清明感傷

客中今日最傷心憶着家山松樹林白石岡頭聞  
杜宇對他人墓亦沾巾

次韻李伯高

蓮幕高吟冰雪篇天才秀發思華年千金買得驚

人句落在鷄林渡海船

嶽市勝業寺悅亭

尋幽攬勝老猶勤但覺吟身瘦幾分淨洗一生塵  
上眼細看七十二風雲

訪舊

欲尋西舍問東隣兩巷都非舊任人唯有桑邊石  
池在依然春水碧鄰鄰

代簡荅夏肯父

六七十里不爲遠百書不如一會面之子相期十



日間要與梅花併相見

寄劉潛夫

時在建康作判幹唐人詩芳譽香名滿數車

八斗文章用有餘  
數車聲譽滿江湖  
今年好獻南郊賦  
幕府文章有暇無

周子益年八十赴殿

所居榜曰漁村

七尺漁竿八十翁  
釣絲輕裊荻花風  
功名未遂英雄老  
人道磻溪即箇中  
拋却漁村老釣竿  
手遮西日上長安  
青衫着了尋歸路  
莫過羊裘七里灘

觀捕黃雀

披綿爭啄晚禾秋  
決起森然網拒喉  
一飽等閑輸性命  
知機萬不及沙鷗

九日

醉來風帽半歌斜  
幾度他鄉對菊花  
最苦酒徒星散後  
見人兒女倍思家

雪中觀梅鄭子壽畏寒不到

孤負溪橋雪與梅  
怕寒不肯出門來  
欲邀鄭老同清賞  
爭得梅花六月開



鄭子壽野趣燒燭醉梅花

古瓶斜插數枝春此即君家勸酒人移取堂前雙  
蠟燭花邊照出玉精神

東湖看花呈宋原父

團團堤路行無極一株一步楊柳碧佳人反覆看  
荷花自恨鬢邊簪不得

贛州上清道院呈趙雪蓬

短牆不礙遠山青無事燒香讀道經時把一杯非  
好飲客懷宜醉不宜醒

無題

憶聞春燕語雕梁又聽秋鴻叫斷腸一縷沉烟飛  
不過兩樓相對立斜陽

到西昌呈宋愿父伯仲黃子魯諸丈

一秋無便寄平安新鴈聲聲報早寒昨夜檢衣開  
故篋去年家信把來看

扁舟幾度到南昌東望家山道路長醉裏不知身  
是客故人多處亦吾鄉

入閩道中

山中寂寞去程賒莫惜頻頻到酒家行李蕭然還  
不倍擔頭顛倒插梅花

嚴儀卿約李友山高與權酌別

江天慘澹日淒涼木未經霜葉未黃今日樓頭一  
杯酒明朝行客在誰鄉

李敷文酌別席上口占

客子明朝早問程樽前今夜苦爲情使君亦恐傷  
離別不使佳人唱渭城苦一作若

李友山索詩卷汀州急遞到昭武

清時無事更年豐兩地風光詩詠中可是山前無  
警報旗鈴千里遞詩筒

題牛圖

牡丹花下連宵醉今日閑看黑牡丹得此躬耕東  
海曲一貧無慮百憂寬

既別諸故舊獨黃希聲往曲江稟議未回不  
及語離

別盡諸君不見君客愁多似海南雲一聲何處離  
群鴈那向江村靜處聞



老年懷抱晚秋天欲去思君重黯然聞道歸來有  
消息江頭錯認幾人船

林伯仁話別二絕

別酒三杯醉不知梅花嶺外故人稀片心暗逐白  
雲去日日向君行處飛

茉莉花邊把酒危枕柳樹下共談詩醉來一枕西  
窓下酒醒方知有別離

題陳景明梅廬

手栽梅核待成林慈母當年屬望深梅來成林人

已往空酸孝子一生心

思親如海渺無涯觀物驚心感歲華誰見詩人心  
苦處年年揮淚看梅花

題蔡中卿青在堂二首

瀟瀟洒洒屋三間日日開門見好山但使青青長  
在眼一毫塵俗莫相干

幾人富貴不能閑夜運牙籌日跨鞍役役一生忙  
裏過不知屋上有青山

劉子及贈瑞桂

秋光點點明人眼不比尋常巖桂花天與劉郎作  
嘉瑞枝枝金粟間丹砂

寄玉溪林逢吉六首 癸卯春

經年不見玉溪翁百里江山萬里同無計相從話  
心曲時揮一紙寄西風

問君那向城中住賴有清風濯市塵門外數根楊  
柳樹細看別作一家春

心腹相知會面稀一春未有盍簪期西窓風雨愁  
眠夜夢到君家賦小詩

陋巷深深屋數椽以文爲業硯爲田一觴一飯常  
留客知是君家內子賢

老夫時作白頭吟爨下焦桐孰賞音敢望荆溪作  
詩跋自慚弊帚事千金

王建不能憐賈島吟邊懷抱向誰開扶病欲迎新  
太守不知千騎幾時來

重陽

茱萸半紫菊花黃時節催人日夜忙便使老夫年  
滿百無過二十二重陽



題梅嶺雲封四絕

東海邊來南海邊長亭三百路三千飄零到此成  
何事結得梅花一笑綠

淮南得道嶺南行嶺上回頭作麼生傳得祖師心  
印了鉢盂何必與人爭

鑿破青山兩壁開石頭路上踏成埃梅花自與白  
雲笑幾見夷齊出嶺來

南邊過嶺面無慙前有東坡後澹庵兒輩欲知當  
日事青山解語水能談

戲題詩藁

冷澹篇章遇賞難杜陵清瘦孟郊寒黃金作紙珠  
排字未必時人不喜看

昭武太守王子文日與李賈嚴羽共觀前輩  
一兩家詩及晚唐詩因有論詩十絕子文見  
之謂無甚高論亦可作詩家小學須知

文章隨世作低昂變盡風騷到晚唐舉世吟哦推  
李杜時人不識有陳黃

古今胸次浩江河才比諸公十倍過時把文章供

戲謔不知此體誤人多

曾向吟邊問古人詩家氣象貴雄渾雕鏤太過傷  
於巧朴拙惟宜怕近村

意匠如神變化生筆端有力任從橫須教自我胸  
中出切忌隨人脚後行

陶寫性情爲我事留連光景等兒嬉錦囊言語雖  
奇絕不是人間有用詩

飄零憂國杜陵老感寓傷時陳子昂近日不聞秋  
鶴唳亂蟬無數噪斜陽

欲參詩律似參禪妙趣不由文字傳箇裏稍關心  
有悞發爲言句自超然

詩本無形在窈冥網羅天地運吟情有時忽得驚  
人句費盡心機做不成

作詩不與作文比以韻成章怕韻虛押得韻來如  
砥柱動移不得見工夫

草就篇章只等閑作詩容易改詩難玉經雕琢方  
成器句要豐腴字要安



石屏詩集卷第七終

遺四十八首

石屏詩集卷第八

詞

錦帳春

淮東陳翁庵

陳提舉清明奉母夫人游徐仙

處處逢花家家插柳政寒食清明時候奉板輿行  
樂使星隨後人間稀有 出郭尋仙綉衣春書馬  
上列兩行紅袖對韶華一笑勸國夫酒百千長壽

醉落魄

九日吳勝之運使黃鶴山登高

龍山行樂何如今日登黃鶴風光政要人酬酢欲  
賦歸來莫是淵明錯 江山登覽長如昨飛鴻影

裏秋光薄祗有黃花覺  
牢裹烏紗一任西風作

柳梢青

岳陽樓

袖劍飛吟洞庭青草  
秋水深深萬頃波光  
岳陽樓上一快披襟  
不須携酒登臨  
問有酒何人共斟  
變盡人間君山一點  
自古如今

行香子

永州爲魏深甫壽

萬石崔嵬二水漣漪  
此江山天下之奇  
太平氣象百姓熙熙  
有文章公經綸手把州麾  
滿斟壽酒笑撚梅枝  
管年年長見花時  
佳人休唱淺近歌詞

讀浯溪頌愚谷記澹岩詩

木蘭花慢

鶯啼啼不盡任燕語語難通  
這一點閑愁十年不斷  
惱亂春風重來故人不見  
但依然楊柳小樓東  
記得同粉壁而今壁破無蹤  
蘭皋新漲綠溶溶  
流恨落花紅念著破春衫  
當時送別燈下裁縫  
相思謾然自苦  
篆雲烟過眼總成空  
落日楚天無際  
凭欄目送飛鴻

鷓鴣天

題趙次山魚樂堂



圍圍洋洋各自由或行或舞或沉浮觀魚未必知  
魚樂政恐清波照白頭 休結網莫垂釣機心一  
露使魚愁終知不是池中物掉尾江湖汗漫游

浣溪沙

病起無聊倚綉床玉容清瘦懶梳粧水沉烟冷橘  
花香 說箇話兒方有味喫些酒子又何妨一聲  
啼鴉斷人腸

臨江仙代作

誤入風塵門戶駭來花月樓臺樽前幾度得徘徊

可憐容易別不見牡丹開 莫恨銀瓶酒盡但將  
妾淚添杯江頭恰恨北風回再三相祝去千萬寄  
書來

祝英臺 近別李澤之諸丈

泛杭州臨塵水幾日共遊戲歌笑開懷酒醒又還  
醉柰何一旦分携連宵風雨剪不斷客愁千里  
水雲際遙望一片飛鴻苦是失群地滿眼春風管  
甚閑桃李此行歸老家山相逢難又但一味相思  
而已

鵲橋仙

周子俊過南昌問訊宋吉甫黃存之兄弟

西山岩壑東湖亭館盡是經行舊路別時相見有  
荷花還又見梅花歲暮 宋家兄弟黃家兄弟一  
一煩君傳語相忘不寄一行書元自有不相忘處

又

新荷池沼綠槐庭院簷前雨聲初斷喧喧兩部亂  
蛙鳴怎得似啼鶯睨睨 風光流轉客游汗漫莫  
問髮絲長短醒時杯酒醉時歌筭省得閑愁一半  
大江西上曲寄李實夫提刑時郊後兩相皆

乞歸

大江西上鬱孤臺八境人間圖畫地湧千峯搖翠  
浪兩派玉虹如瀉彈壓江山品題風月四海今王  
謝風流人物如公一世樵也 一片憂國丹心彈  
絲吹笛未必能陶寫西北風塵方頌洞宰相閑歸  
綠野月斧爭鳴風斤運巧不用修亭樹紫樞黃閣  
要公整頓天下

減字木蘭花

寄欽州劉叔文

羊城舊路檀板一聲驚客去不擬重來白髮飄飄



上越臺 故人居處曲巷深深通竹所問訊桃花  
欲訪劉郎不在家

又寄五羊鍾子洪

天台狂客醉裏不知秋髮白應接風光憶在江亭  
醉幾場 吳姬勸酒唱得廉頗能飯否西雨東晴  
人道無情又有情

又

阻風中酒流落江湖成白首歷盡艱關贏得虛名  
滿世間 浩然歸去憶著石屏茅屋趣想見山村

樹有交柯犢有孫

清平樂 興國呈司直

今朝欲去忽有留人處說與江頭楊柳樹繫我扁  
舟且住 十分酒興詩腸難禁冷落秋光借取春  
風一笑狂夫到酒猶狂

又朝人

醉狂痴作誤信青樓約酒醒梅花吹盡角翻得一  
場寂寞 相如謾賦凌雲琴臺不遇文君江上琵琶  
舊曲只堪分付商人

醉太平

長亭短亭春風酒醒無端惹起離情有黃鸝數聲  
芙蓉綉茵江上畫屏夢中昨夜分明悔先行一  
程

望江南

壺山宋謙父寄新刊雅詞內有壺山  
好三十闕自說平生僕謂猶有說未  
盡處為  
續四曲

壺山好博古又通今結屋三間藏萬卷揮毫一字  
直千金四海有知音 門外路咫尺是湖陰萬柳  
堤邊行處樂百花洲上醉時吟不負一生心

壺山好胆氣不妨麤手奮空拳成活計眼穿故紙  
下工夫處世未全踈 生涯事近日果何如背錦  
奚奴能檢點畫眉老婦出交租且喜有贏餘  
壺山好文字滿胸中詩律變成長慶體歌詞綽有  
稼軒風最會說窮通 中年後雖老未成翁兒大  
相傳書種在客來不放酒樽空相對醉顏紅  
壺山好也解憶狂夫轉手便成千里別經年不寄  
一行書渾似不相踈 催歸曲一唱一愁予有劍  
賣來酤酒喫無錢歸去買山居一向作狂徒壺山  
有催



歸曲贈  
僕甚妙

僕既爲宋壺山說其自說未盡處壺山必  
有荅語僕自嘲三解

石屏老家住海東雲本是尋常田舍子如何呼喚  
作詩人無益費精神 千首富不救一生貧賈島  
形模元自瘦杜陵言語不妨村誰解學西崑

石屏老長憶少年遊自謂虎頭須食肉誰知猿臂  
不封侯身世一虛舟 平生說事著也堪羞四海  
九州雙脚底千愁萬恨兩眉頭白髮早歸休

石屏老悔不住山林注定一生知有命老來萬事  
付無心巧語不如瘖 貧亦樂莫負好光陰但願  
有頭生白髮何愁無地覓黃金遇酒且須斟

石屏詩集卷第八終

全遺二十五首

石屏詩集卷第九

附錄

戴東塾詩

東塾諱思字景明宋嘉定己卯應舉登第授州法曹參軍有東塾農歌

世集行

莫悲秋

傷春非貞女悲秋非烈士時運自循環我心如止水  
剝固復之機榮乃悴之始未識天地妙胡為浪  
悲喜鷓蓬或數仞鵬海或萬里大小何必齊蒙莊  
未窮理



次黃叔絜茶隱倡酬之什

美人隱於茶性與茶不異苦澁知餘甘淡薄見真  
嗜肯隨世俱昏寧墮衆所棄靈雨滋山腴迅雷起  
龍睡草野未敢花春芽早呈瑞闔水須占一焙火  
不落二趣深同誰參雋永時自試葱姜勿容涸瓜  
蘆定非類標名寓玄思微吟寫清致成我君子交  
從彼俗客恚嚼芳憩泉石包貢免郵置遼遼玉川  
翁千載共風味

雜言

衆芳以春榮萬葉以秋肅造物持其權兒戲恣翻  
覆亭亭山上松蕭蕭澗邊竹超然榮肅中正色閱  
寒燠

提壺勸我飲布谷催我耕我酒餅已罄我田草正  
生荷鋤理荒穢及時新雨晴秋來刈吾秫庶得兩  
遂情

逸翮凌丹霄潛鱗縱深壑天分安所適翔泳同一  
樂短吟五七字薄酒三四酌浩氣與春風相從滿  
寥廓

侍屏翁遊屏山分得水字

携琴入空山脩竹翠相倚一曲千古心泠泠寄流水拂雲卧白石冥搜契玄理有時采薪人歌聲隔林起

秋日過屏山庵

淒切抱葉蟬間關棲樹禽入山本避喧復愛聆此音微颺動夕爽薄雲散秋陰衆籟闐以靜片月生東林

山泉清且甘漱之冷侵骨拂苔坐石上松風更蕭

瑟瑟悠悠行空雲何心自出沒六鑿忽玲瓏吾計良未失

夏肯甫曉山亭

開櫺納晨光隱几挹寒翠以我胸中真會彼景外意孰因夜息存孰使晝枯累念慮方清明體認貴切至義義成九仞進進基一簣勗哉亭中入涵養玉其粹卷書意何如顏回坐忘地

春日偕兄弟侍屏翁遊晉原分得外字因集句而成



春雨晴亦佳杜甫適與賞心會高初日照高林常建幽

泥化輕塏韓愈步屐隨春風杜甫始覺天宇大劉禹錫牽

懷到空山韓愈逍遙白雲外孟浩然青松夾路生陶童

童狀車蓋杜甫清川帶華薄劉德陰壑生虛籟杜甫性達

形迹忘韓愈傲然脫冠帶馬薄暮方來歸范夢月

光搖淺瀨柳宗元

秋日四章

唐李涉有山中五無可奈何詩戲用其體作

無柰秋風何怒號震林木並有我井上桐一夜失寒

綠莫作搖落悲妙理在翻復

無柰秋月何鍊魄金氣精炯炯一輪滿天地水壺

清照我方寸景表裏同光明

無柰秋山何萬疊淺深碧起來樓上看朝爽浮几

席稜稜政自高更養靜壽德

無柰秋水何悠悠盪輕槳上下天一碧顛倒涵萬

象愿從雙白鷗生涯寄浩蕩

孤桐結根倚崖石俯瞰清潭以照虛碧枝葉扶疎朱

孤桐行



夏寒上有翔鸞舊棲迹  
必相冉冉歲月深老柯半  
朽蒼皮蝕其中素抱金玉  
聲以暗投人人不識人  
不識多苦心樵夫斤斧  
共相尋寧教枯死倒澗壑  
不從爨下求知音

逐瘡鬼

咄哉瘡鬼何真愚沉魄猶  
滯江流居孰云曾出高  
陽氏而乃不肖如此歟  
為妖常闖秋令動作威又  
竊炎官餘今年恣睢逞異  
害十戶九室聞嗟吁人  
生一歲一寒暑自有大瘡  
纏其軀翻手為涼覆手

暖笑爾禍福纔須臾癡兒  
駭女或汝怖那能嚇我  
烈丈夫汝不記少陵詩句  
有神語子璋髑髏血模糊  
昌黎譴逐更多術灌毒炷  
艾揮靈符今來古往共憎  
疾柰何長惡終不渝胡不  
學鮫人細織冰綃製雲裾  
胡不從湘君緩移桂擢搴  
芙蓉乃甘卑潔賈衆怨厭  
穰唾罵無時無爾來經旬  
暇吾室再三謝遣猶踟躕  
吾詩吾酒既不廢汝窮汝  
技將何如大江秋色正瀟  
灑明月皎皎風踈踈便須  
悟悔遠歸去嘯傳呼侶相  
嬉娛夜闌吟徹欲就睡燈  
花照



眼團如珠夢回病思若然散颯颯風籟生庭梧  
書初考

得考雖多幸無功祇自嫌但求官速滿不道老同添  
早拙翹蓬鷄艱辛上竹鮎黃花寒更好三嗅憶陶潛

辛亥九日被檄視滂遂爽同官飲菊之約夜  
宿荒驛風雨達曙

孤負重陽菊愁懷不肯寬郵亭一夜兩客枕五更寒  
脚健從渠老心低到夢安獨行誰可語時把古詩看  
納涼即事

炎蒸欣傍晚掃地坐寬涼入竹風逾冷生荷水亦  
香蟻行綠食几螢照落書床聽得農人語今年稻  
穗長

侍屏翁領客遊雪山分得生字

雪峯峯頂寺來此定詩盟山瀑分雲影松風亂雨  
聲眼明春樹綠心惺繞鐘清未好言歸去塵中事  
又生

偕兄侍屏翁探梅屏山分得空字

踏破登山屐來尋傍水叢眼明千樹底春在數花

中格瘦詩難寫香寒酒易空狂歌歸秉燭驚恠走  
兒童

豈潛弟平遠圖

卜築占寬閒脩篁老樹間八窓開宇宙一室貯雲  
山野曠行人少天遙去鳥還悠然會心處妙語徹  
玄關

謝趙山臺見訪

寂寞海東頭殷勤貴客舟如何經歲約祇作數宵  
留清玩分行篔簹高吟壓小樓更須謀再會同醉菊

花秋

臈前見蘭花

蘭叢繞一幹獨向臈前開托蔭偏宜竹先春不讓  
梅韻從幽處見香自靜中來便欲紉芳佩靈均喚  
不回

安居

安居元自好春晝更遲遲雪涌煎茶鼎雲生浴硯  
池栽荷填廢沼移竹補疎籬猶有閑光景歌眠續  
舊詩



次韻屏翁詠梅

芳信基花事東君思亦奇橫枝踈蓓蕾半樹老丰  
姿心共寒霜苦香惟夜月知最憐清夢覺踈影竹  
窓時

次韻屏翁觀梅

曉寒籬落外一見一番新喚覺群芳夢先鍾萬古  
春冷香宜醉寢真色任煙隣更喜連朝雪飛花為  
辟塵

項宜父涉趣園

四面山迴合中間百畝畦入門惟見竹遶屋半栽  
梅果熟霜前樹魚肥雨後溪秋來饒景物斟酌費  
詩材

小酌會芳分得陰字

暇日頻相顧清風舊竹林功名春後夢吟咏老來  
心世事隨流水年芳付綠陰悠然千古意閑理斷  
紋琴

玉峯登眺得初字

玉峯奇絕處短策步崎嶇海近潮聲壯山空樹影

疎吟情危眺外飲興薄寒初數點新來鴈高飛不羨渠

小樓扁山海圖鄭安道酒邊有詩因次韻  
等閑成小集危眺豁幽情四面畫圖出一襟天地  
清晚雲山掩靄夜月海空明自有茲樓景輸君第  
一評

次韻屏翁新秋

檢點新秋事天公賜已豐秋床梧葉雨曉袂竹林  
風閱世心先老傷時酒易中誰將和戰議細與問

元戎

已亥十月晦大雷雨

舛令頻年見憂時百慮灰入冬常苦雨昨夜又轟  
雷土爛麥難種虫傷菜失栽兒童不解事喜報海  
棠開

次韻屏翁冬日

曉起衝寒出霜明日未晞麥豐來歲本梅漏早春  
機水涸魚深隱蜜成蜂倦飛靜中參物理一一見  
精微



自武林還家道由剡中

一筇雙不借，役又東還野渡淺。深水夕陽高，下山光陰虛我老。造物斬人間，高躅思吾祖。鳴琴獨閉關。

次韻屏翁新元聚拜

履端來聚拜，和氣洽昌辰。蕃衍如今日，栽培豈一人。詩書延澤潤，忠厚續長春。相祝無多語，年新德又新。

次韻君玉第春事

海棠紅未了，又近牡丹時。送日多忙事，疇春欠好詩。暖風催麥早，晴畧轉芒遲。不盡清遊興，重爲上巳期。

次韻晚春二首

一襟塵欲滿，刮眼得新詩。風絮遺春恨，烟花隔歲期。筍抽虫半蝕，櫻熟鳥先窺。光景渾如此，心閑即好時。

田園深有趣，已分隱柴翁。老去情多感，春來夢少靈。游絲捲晴日，飛絮入空庭。預識今年好，啼鶻枕

上聽

春晚即事

春郊農務急野岸水痕高蒲渚鳴姑惡桑林轉百  
勞整欄扶芍藥牽網護櫻桃不改窮居樂何妨見  
二毛

次韻屏翁初夏會芳小集

一觴還一詠竟日醉難成坐石驚雲濕臨池愛水  
平密林宜午蔭啼鳥尚春聲更有櫻桃約明朝且  
願晴

夏初郊行

晴雨天難測寒暄氣未齊連村多綠樹終日轉黃  
鸝田水衝塍斷山雲着地低偶隨農叟語不覺過  
橋西

僻居

地僻塵囂遠身閒趣味深清池涵竹色老樹帶藤  
陰引鶴隨閑步招蟬伴醉吟有時燃古鼎隱几自  
觀心

亦龍弟覆篔簹石作亭其陰屏翁名曰野亭



索詩謾賦二首

幽棲得真趣隙地巧經營花竹有和氣林園無俗情  
帶經休樹影抱甕俯池清我亦甘肥遯相從樂此生

高懷抗塵外林杪着三間綠遶村邊樹青浮海上  
山目窮天變化心靜地寬閑鷗鳥知人樂忘機亦往還

秋晚

西風澄曉氣凝觀愜幽情草潤蛩聲滑松涼鶴夢

清吟懷依水靜病思得秋輕忽憶登高近循籬看菊英

弄翁領諸孫小集亦龍弟野亭君玉即席有詩次韻

結屋新亭好登臨雅興長心融八窓白塵隔九衢黃  
泛菊金英碎嘗粳玉顆香更期梅著蕊來賞小春光

鄭安道終歲相聚臨別以詩見貽次韻為謝解把詩言別那無計可留梅花兩心事寒鴈五更

愁我亦高懸榻君須獨卧樓後回相憶處莫返雪  
中舟

夏曼卿作新樓扁曰瀟湘片景來求拙畫且  
索詩

有此一樓足悠然萬慮忘拓開風月地壓斷水雲  
鄉四野留春色千峯明夕陽眼前無限景何處認  
瀟湘

金陵懷古

尚聞深巷語烏衣無復高臺彩鳳儀棟宇半欹元

帝廟香煙爭奉誌公祠六朝興廢千年夢獨客登  
臨萬感悲莫上鍾山望淮北西風禾黍更離離

幽棲

幽棲頗喜隔繁囂無空柴門盡日關汲水灌花私  
雨露臨池疊石幻溪山四時有景常能好一世無  
人放得閑清坐小亭觀衆妙數聲黃鳥綠陰間

此生

此生畢竟已蹉跎有酒何妨醉且歌人世盡緣愁  
得老春花偏結雨相尋草草欺蘭瘦能香否杏花梅



殘柰俗何試上東巖看春景出海山無數列青螺

自况

多貲徒作守錢奴伏臘無事復有餘世路本夷休  
自險人情太密反成毒非國報施方為善豈為功  
名始讀書門外良田堪種穀白雲黃犢試犁鉏

書房

書房清曉焚香坐轉覺出林趣味真恠石一根雲  
態度早梅半樹雪精神池魚自樂誰知我林鳥相  
忘不避人得喪由來天自定莫將閑慮惱閑身

移古梅植于貯清之側已有生意喜而賦之  
剥盡皮毛真實在幾年孤立小溪潯人來人去誰  
青眼花落花开自苦心不是野夫同臭味難教君  
子出山林巡簷日日窺生意一朵先春直萬金

再得古梅小而益恠首蒙屏翁品題因次韻

愛渠恠恠復奇奇冒雪遙憑健步移竹外池邊栽  
恰好山巔水際夢多時百年死質餘生意一片孤  
槎帶好枝寄語花神勤守護品題莫負老僊詩

初遊方巖山



圖志舊嘗看紀載杖藜今得徧經行漁翁化石幾  
年釣仙客有田何世耕千尺枯崖蛻龍骨一簾飛  
瀑撼雷聲相傳逸少曾來此惜不鐫巖記姓名

觀敗碁者戲作

看人出着笑人低及至當枰却自迷角子僅全輸  
了腹東邊纔活喪於西欲裝劫去多難補待筭征  
來恰又提天下未應無妙手勸君莫愛墨狻猊

牡丹

萬巧千奇費剪裁瓊瑤錦綉簇成堆世間妖女輪

回魄天上仙姬降謫胎笑臉倚風嬌欲語醉顏酡  
日困難擡東君若使先春放羞殺群花不敢開

喜有秋

去年已作填溝計誰料今年見有秋天意乘除元  
自定人生伏臘謾多憂滿盆淅玉休論價成斛量  
金不計籌最是野夫懽喜處春風百甕遶床頭

次君玉弟聞新鴈

霜風颯颯荻花洲避北趨南巧自謀倦翮飛殘千  
里月寒聲催老一天秋乍教騷客驚詩夢莫爲征



夫寄別愁汝度塞垣應未久新來烟燧已沉不

次韻東渠兄觀梅

詩眼非梅不可遮三葩五蕊便堪嘉瘦如飯顆逢  
工部老似磻溪卜子牙水影月香參衆妙弟酬兄  
倡自成家快蕩新醞同清賞莫待枝頭爛熳花

閑居幽事

閑居幽事屬田園何必山林始避喧足水早未分  
母子多年脩竹見翁孫欣然勝敗無心奕兀爾醉  
醒隨意樽昨夜一番雷雨過綠波微漲曲池痕

甘窮

自甘窮處更何疑坎止流行信所之不學昌黎驅  
五鬼肯隨子厚罵三尸堂堂白髮欺人出耿耿青  
燈獨已知細嚼黃花香滿齒清風千古一東籬

送彭希聖姊夫赴三山民曹

槐笏綠衫初作吏要須立脚自廉勤間閭疾苦宜  
加意敷膺竒羸莫與聞少啖荔枝防瘳疾多栽菜  
荊挹清芬公餘覽徧佳山水倘有詩篇寄海雲

己亥九日屏翁約諸孫登高西嶼阻風舟行



不前遂會於吾家山海圖之上酒邊翁有詩  
留題因次韻

良辰樂事兩相關喜我樓臺便往還不用移舟過  
西嶼只消把酒對南山風於破帽如先約菊為新  
菊欲笑顏留作千年佳話處詩翁醉墨照楮間

秋日獨倚東樓

重陽過了秋逾爽自豁樓窓眺晚西野外倒涵天  
影動海雲平壓鴈行低興來頻放深杯飲吟到須  
還大字題近喜書房添一寶陶泓買得古端溪

次韻屏翁壬寅九日二行題小樓

佳節相過共舉觴為萸菊醉亦何妨須知我輩襟  
懷事不是時人酒肉狂並鴈影邊寒水碧歸鴉啼  
處夕陽黃詩翁樽俎風一吼在老氣橫吞年少場

初冬梅花偷放頗

清樽繞了黃花債又被  
數雪探支東帝幾分老  
於瘦處真徹夜苦吟  
石屏後集 錢梓 呈屏翁



新刊後藁又千首近  
見江湖誰有之妙似豫章前  
集語老於夔府後來  
詩梅深歲月枝逾古菊飽風  
霜色轉奇要洗晚唐  
還大雅願揚宗旨破群癡

四月即景

茶歌纔了又田歌  
節物真成一鳥過蒼竹招風涼  
意足碧梧留兩夜聲多瓜綠  
茅屋抽長蔓藕過蔬  
畦出矮荷最喜白鷗相狎  
夕對人自在浴清波

次韻鄭安道懷君玉弟游東嘉

好山好水東嘉郡  
兩月清游樂可知  
遠想池塘頻

夢汝還當風雨對  
眠誰別時菊蕊方宜酒  
幾日梅花只索詩  
鴈影參差霜正冷  
寄言歸計莫遲遲

贈日者張異手

張兩手合七指因以為號

漫浪江湖等泛萍  
破囊惟有百中經  
一吭辯處長  
三寸兩手生來應  
七星笑汝道途多  
坎壈說人禍  
福太分明我今已  
決為農計不解從  
君較五行

代簡寄謝友人

經年未復寄來書  
索我形骸莫太踈  
鮑叔相知應  
似舊嵇康習懶苦  
難除白頭閱世梅  
花老青眼看

人柳色舒春月正圓春水滑何須雪夜扣吾廬

### 春事

春事關心常早起愛看景物試凭欄戲魚池面微  
添綠啼鳥枝頭尚帶寒斬棘重樊新插柳剡泉頻  
灌自栽蘭年來賸有園林興每恨廬邊地不寬

### 如京至西興阻風雨

月將圓夜出鄉關纔到西興月又殘老去問名先  
已懶近來行路覺尤難雲烟漠漠吳山暗風雨瀟  
瀟浙水寒識破人生真逆旅此身何處不堪安

### 賞茶

自汲香泉帶落花煨燒石鼎試新茶綠陰天氣閑  
庭院卧聽黃蜂報晚衙

### 夜過鑑湖

推篷四望水連空一片蒲帆正飽風山際白雲雲  
際月子規聲在白雲中

### 喜小兒學步

對周尚有六十日舉足已能三五移世路只今巖  
險甚須教步步着平夷



效宮詞體

楊柳萬絲堆怨緒丁香百結鎖愁腸小桃先得東  
皇寵莫妬東風過海棠

讀陳元龍傳

九州四海沸如湯問舍求田策最良豪氣到頭成  
底事未容欺客卧高床

嚴子陵

赤伏君王訪舊遊富春男子只羊裘一竿本爲逃  
名去何意虛名上釣鈎

竹林避暑

自抱桃笙過竹林濃陰一片直千金清眠盡晚無  
人喚時有風鳴石上琴

夏晝小雨

小床蘄簟展琉璃窗外新篁一尺圍正午雲橋踈  
雨過冬青花上蜜蜂歸

里中小漁舟被差防江有感而賦

着身平地更多憂一棹思爲返宅謀昨夜西風邊  
報急防江也要釣魚舟

天台道上早行

獲輿軋軋過清溪溪上梅花壓水低月影漸收天  
半曉兩山相對竹鷄啼

五禽言

提葫蘆沽美酒人世先陰春電走一日得醉一日  
閑綠鬢幾曾俱白首酒沽酒有酒沽生前不飲  
真愚夫

不如歸去不如歸去下山萬水家鄉路今年又負  
故園花來歲花開定歸否歸去歸去須早歸近日

江湖非舊時

泥滑滑泥滑滑客路迢迢雨不歇我僕十步九步  
蹶我馬驪力涉驪蓋如跛鼈泥滑泥滑君莫愁秋烟  
麥損尤堪憂

脫却破袴脫却破袴蚕熟綠成霜雪縷小姑織絹  
未落機縣家火急催官賦輸了官賦無零落破袴  
破袴還更着

麥熟鍛磨麥熟鍛磨村南村北聲相和大男小女  
總欣欣煮餅蒸糜任渠做鍛磨鋸磨莫等閑去



糠粃無得餐

青陽梅仙舒伯虞為其尊人索靜閒軒詩

人心元至虛天下本無事舉世役於形擾擾誰暫  
置先生自超俗涵養老逾粹妙契無名翁深造靜  
閒味壺中貯日月胸次納天地婆娑閱四序物物  
見春意林花高下紅庭草淺深翠一笑扶瘦筇行  
吟散微醉

壬子立夏日同郡博士黃次夔游江祖太白  
釣臺因成古詩併呈偕行諸丈

翰林天酒星謫墮人間世豪氣眇乾坤浪迹寄湖  
海峩峩江祖山片石峙西澨醉狂御風來踞坐高  
傲睨一絲聊戲垂意得在魚外青天畫屏句妙越  
無塵界至今五百年春虹絢晴彩我來訪遺蹤躡  
屐捫薜荔錦苔剝水霜髮鬢題字在屬時春夏交  
微雨弄輕霽同遊俱嘉朋笑語洽傾蓋雲木團書  
陰松風奏天籟勝踐心已愜酣歌意彌快欲招臺  
上魂舉爵酌清泚今昔自殊時欣感諒一契詩成  
寫蒼壁存否非所計長嘯下歸舟驚端送飛棹白



秋浦詩紅祖一片石青天掃畫屏題詩留萬古  
字錦苔生即其地也

### 梳頭自歎

短髮如冬霜一朝白一朝又如深秋柳槁葉迎風  
凋白者不再黑白者不復半義娥疾馳驥乾坤虛  
懸瓢人生寄其間泛泛波上藻百歲一大夢倏忽  
已隔宵胡不適所適而乃隨滔滔富貴撒眼電榮  
華過耳颺木散故得壽龜靈徒取焦甘拙自安吉  
後智滋勞切所以柴桑人不肯折此腰

上立齋先生十首以有官居鼎鼐無宅起樓

### 臺為韻

形弱能使強脉病能使壽醫和肘後方袖手若無  
有綠野歸晉公洛社閑迂叟此意誰得知可以久  
則久

羸牛指為驥鳴臬認為鸞鳥彼欲欺一世自亂耳目  
官吾直不能枉吾方竟誰利何妨寄楚澤餐菊紉  
秋蘭

蔚蔚空明山古號仙人居神秀發虹氣瑞孕真璠  
璣潔白外難染堅剛中不枯勿逐鼠璞價韞匱姑



藏諸

夏厦資寸蓬涉江寄孤艇弗顧勝弗勝乃諉幸不  
幸舜華朝暮期蒼松歲年迥從渠寶康瓠我自有  
岑鼎

君子如真金真金剛不改小人如浮雲瞬目多變  
態隨世良獨難殉道乃無悔近日崔菊坡堅卧辭  
鼎

薰蕕不同性涇渭不同趨由來區以別那使強合  
汙老聃守道德韓非事刑誅二人共一傳能信乎

古無

多金建華屋一堂容百客立齋有聽事不覺旋馬  
窄僻於蕭相居隘甚晏子宅鬼神瞰高明吉祥止  
虛白

靈岩一片雲曾爲作雨起風吹還故山松筠澹相  
倚秋高霜露寒酒熟鱸魚美少寬憂世懷微醉有  
妙埋

否泰關世運進退非人謀尼父雖皇皇不爲無理  
留用則巨川楫舍則野渡舟行藏兩付之獨倚石

尺樓

小草有遠志埋沒同蒿萊風霜坐相欺冉冉成枯  
萎我公下白屋意重黃金臺儻借伯樂顧未信終  
驚駘

江濱晚霽

十里平沙路人行晚霽間水光涵遠樹雲影度空  
山吹浪江豚怒摩霄野鶴閑漁翁醉吹笛小艇泊  
前灣

十日取野菊泛酒

野徑菊仍好村壚酒亦嘉未應今日蒞便是背時  
花心在家千里身猶客九華官程難久駐風雨暮  
山斜

山家小憩即景效藥名體

柴門通草徑茅屋桂枝間脩竹連翹木高松續斷  
山仰空青蔭密掃石綠花斑傍澗牽牛飲白頭翁  
自閑

從板橋買舟上青陽

卸馬板橋西扁舟逆上溪水鏤岩骨斷烟截樹頭



齊野鴨驚人起村鷄上樹啼老農頭雪白猶自把  
鋤犁

池州

一城方九里宛在水中坻額揭顏公字碑傳杜牧  
詩昔年稱上郡今日道邊隍莫望長江北天寒風  
正悲

有永嘉薛君自號雲屋來池陽以詩見貽用  
韻答之

清晨聞剝啄喜得薛能詩風月一囊錦江湖兩鬢

絲寒城吹角夜孤館擁衾時誰會吟心苦梅花是  
舊知

有方叔材用余和薛雲屋歌見貽次韻奉酬  
江湖前輩盡何敢易言詩鼠璞元非玉蛛羅不是  
絲池塘生草處風雪跨驢時此是真吟境從來幾  
箇知

立春前五日得雪

雪作春前瑞銀城擁萬家太婆頭欲白九子頂先  
華壓麥嘉培本封梅梢損花家童解人意燒鼎問

身茶

七夕感興二首

家家懽笑迓星期我輩相邀只酒卮矯俗何須標  
擯鼻甘愚不解候蛛絲新秋光彩月來處半夜清  
涼風起時一曲玉簫塵外意此音除是鶴仙知  
相傳牛女起何時無柰人間事轉癡青鳥蟠桃方  
士信金釵鈿合逆胡基一杯記節圖成醉萬感因  
秋却易悲遺恨古今流不盡銀潢耿耿接天池  
抵池陽未入關泊于齊山數日因窮岩壑之

勝山有翠微亭杜牧之登高處

瘦策相扶上翠微眼驚奇恠足忘疲三十六洞猶  
昔者四百餘年無牧之漲水森瀾春雨後遠山重  
疊夕陽時幾多江北江南恨問着沙鷗總不知

次劉叔子總幹夜坐感秋韻

秋風遠客歎飄零滿鏡吳霜故故明酒盞論心踈  
舊約詩筒到眼快新評短檠伴我夜深靜長笛何  
人月下橫步遶空庭吟未竟隔林鸚鵡又傳更

代簡約諸同官探梅



信是搏沙放手開渴心空想細論杯等閑不見便  
逾月如此相從能幾回舊雨已孤重九菊新詩宜  
探小春梅騎驢索句真頽面要向清溪洗出來

燒燈夕宋明府自置酒見招席上復賦詩因

次韻定詩盟併致別意

苦用吟心續祖燈得君印證愈分明一聆此日鷄  
窓話盡洗前時蚓竅聲颺柳輕風寒忽暖催花小  
雨濕還晴眼前總是詩光景可惜明朝又遠行

秋暮出關即事

俗塵汨汨負清遊重出城來暮秋水洗柳根歌  
斷岸霜摧蘆葉擁荒洲鄉音不到愁來鴈野性無  
拘羨去鷗可惜一堤明月好隔關難作夜深留

有妄論宋唐詩體者

不用雕鏤嘔肺肝辭能達意即篇章性情元自無  
今古格律何須辨宋唐人道鳳筒諧律呂誰知牛  
鐸有宮商少陵甘作村夫子不害文光萬丈長

趙倅賦喜雪詩為黃堂賀黃堂和韻傳示僚  
屬衆因續貂

風袞瑤花撲面寒沾泥點點鹿文斑  
要呈臘瑞闔梅好肯讓春容傍柳還  
萬戶鬧添沽酒市兩山窮聳索詩有  
史君寬得憂民念麥隴青青一望間

次韻黃次夔思家

世態從渠炎更涼蕙蘭元不爲人香  
時憑酒挹聖賢味閑借茶搜文字腸  
靴笏豈能拘野性蓴鱸終是憶家鄉  
小需歸作天台隱長嘯松風卧石梁

送陳竹屋提幹東歸

生長由來接社枌台山越水偶中分  
一朝傾蓋便

知我千里携家得傍君風厚大鵬培  
怒翼天寒征鴈折同群折梅相送齊  
山路愁絕江東日暮雲

歸途過麻姑山

山行十里少人家客子貪程怕日斜  
倦坐松根需足力輕風滿面落藤花

方岩山有仙人田項宜父家其下於  
屋之西偏築亭䟽沼雜蒔花木爲娛  
奉壽母之地即以名之自著懷仙雜詠  
百有一首名勝留題亦多未免皆泥乎  
神仙之說來徵余吟余謂



神仙之事深言之則似誕今諸賢所賦無復  
餘蘊使余更下注脚不愈誕乎且人生一世  
苟能超然達觀惟適之安斯人中之仙已豈  
必十洲三島間之謂哉因即此意賦十章  
築亭疏沼隔塵埃白白朱朱次第栽人面春風俱  
不老板輿日日看花來

綠蘿翳翳結高林烟吐霞吞一徑深半夜松涼鶴  
先睡滿山明月只自橫琴

一澗寒泉九竇一菖釀泉爲酒冽仍香玉卮捧處慈

顏喜眉壽方岩共久長

有時山洞拾荆薪應遇真仙對奕春多少胸中高

著處儘教饒盡世間人

秋池清曉濯玄雲鸚眼輝涵紫玉文細字黃庭應

寫就莫將容易博鵝群

桑竹森森遶屋邊美田清泚浸良田桃源只在桃

溪上不信壺中別有工

晚菘早韭各隨時霜蕪雪月青間露葵甘脆日堪供

小摘不須他覓養神芝

紫錦囊絨五嶽形白書黑紙秘黃庭何如琴几焚  
香坐細讀包犧一卷經

自傍青牛種早杭炊來玉雪滿盆香休論服日餐  
霞事只此延年第一方

阡陌縱橫尚宛然知他耕耨是何年果然絕粒輕  
能舉底事仙人亦有田

五松山太白祠堂

太白讀書之地詩有要迴長  
碑在社盡辨五松山即此山也

艤舟來訪寶雲寺快上山頭尋五松捉月仙人呼  
不醒一間老屋戰西風

### 歸途過銅官山

山徑崎嶇落葉黃青松疎處漏斜陽鳴禽無數聲  
相應一陣微風野菊香

余效官秋浦公餘弗暇他問獨未能忘情  
於吟九得諸山川之登覽景物之感觸賓  
友之應酬率於五七字寄之雖草根喫喫  
柳稍嚶嚶視鳴高崗唳九皋聲韻邈乎不  
侔而發乎情則一也抖擻破囊九百篇輒  
忘其醜錄以備或者楓落吳江之問寶祐



石屏詩集卷第九  
改元癸丑脩禊日東塾子戴昂自叙

石屏詩集卷第九終

遺十三首

